

Оли Имрон сурасининг тафсири ۲: (۶۴ – ۱۶۰-оятлар)

Бир гуруҳ олимлар

Оли Имрон сурасининг ۶۴ – ۱۶۰-

оятлари тафсири "Тафсири

Муяссар" китобидан таржима

қилинган бўлиб, оятлар маънолари

лўнда ва енгил тафсир қилингандир.

<https://islamhouse.com/۲۸۲۱۰۶۶>

- Оли Имрон сурасининг тафсири
۲: (۶۴ – ۱۶۰-оятлар)
 - Кисқача танитув
 - Тўртинчи жузъ

Оли Имрон сурасининг тафсири ўз: (۶۴ – ۱۷۰-оятлар)

Кисқача танитув

Оли Имрон сурасининг ۶۴ – ۱۷۰-оятлари тафсири «Тафсири Муяссар» китобидан таржима қилинган бўлиб, оятлар маънолари лўнда ва енгил шарҳлаб берилгандир. Ушбу тафсир бир гуруҳ сара уламолар томонидан тайёрланган бўлиб, қўйидаги интизомга риоя қилинган: саҳих маълумотлар муқаддам қўйилган; саҳих ёки қувватли қавлни келтириш билан кифояланилган; тафсир қиласкан Қуръоннинг йўлланмаси ва Ислом шариати

мақсадлари очиб берилган; нотаниш калималарни изоҳлаш билан бирга қисқа ва енгил иборалар қўлланилган; Мусҳафнинг Мадина босмасининг ҳошияларига сиғадиган даражада тафсир қилинган; заруратсиз ривоятларни келтирмасдан тўғридан-тўғри оят маънолари келтирилган; Ҳафснинг Осимдан қилган ривоятидаги қироатга мувофиқ тафсир қилинган; бошқа тилларга таржима қилинишига кулай қилинган; ҳар бир оят алоҳида тафсир қилинган.

قُلْ يَا أَهْلَ الْكِتَابِ تَعَالَوْا إِلَىٰ كَلِمَةٍ سَوَاءٌ بَيْنَنَا وَبَيْنَكُمْ أَلَا نَعْبُدَ إِلَّا اللَّهُ وَلَا تُشْرِكُ بِهِ شَيْئًا وَلَا يَنْجُذِ
بَعْضُنَا بَعْضًا أَرْبَابًا مِنْ دُونِ اللَّهِ فَإِنْ تَوَلُوا فَقُولُوا اشْهُدُوا بِأَنَّا مُسْلِمُونَ (٦٤)

۶۴. Эй Пайғамбар, аҳли китоб бўлмиш яхудий ва насронийларга

айтинг: «Адолат ва ҳақ бўлган бир сўзга келинглар, барчамиз уни лозим тутайлик. У сўз шуки, ягона Аллоҳниң Ўзигагина сифинайлик, Унга на бут-санам ва на тоғут ва на бошқа бирон нарсани шерик қилмайлик, Аллоҳни қўйиб, бир-бирилизни «худо» қилиб олмайлик!». Эй мўминлар, агар улар ушбу покиза даъватдан юз ўгиришса, **сизлар уларга айтингки:** «Сизлар бизнинг мусулмон эканимизга — Роббимизга ибодат ва ихлос ила бўйсинувчи эканимизга гувоҳ бўлинглар».

Барчага баробар бўлган ҳақ сўзга даъват яхудий ва насронийларга қанчалик тааллуқли бўлса, улардан

бошқа миллатларга ҳам шунчалик тааллуқлидир.

يَا أَهْلَ الْكِتَابِ لَمْ تُحَاجُّوْنَ فِي إِبْرَاهِيمَ وَمَا أَنْزَلْتُ التَّوْرَأَ وَالْإِنْجِيلُ إِلَّا مِنْ بَعْدِهِ أَفَلَا تَعْقِلُوْنَ
(٦٥)

٦٥. Эй самовий китоблар эгаси бўлган яхудий ва насронийлар, сизлардан ҳар бирингиз қандай қилиб Иброҳим – алайҳиссалом – тўғрисида, у бизнинг миллати-миз ва динимизда бўлган, деб тортишмоқдасиз, ваҳоланки, Таврот ҳам, Инжил ҳам ундан кейин нозил бўлган-ку?! Ахир ақл юритсангиз ва «Иброҳим яхудий бўлган» ёки «Иброҳим насроний бўлган» деб айтаётган сўзларингиз хато эканини англасангиз бўлмайдими?! Яхши биласизки, яхудийлик ҳам,

насронийлик ҳам унинг вафотидан анча кейин вужудга келган!

هَآئُنْتُمْ هُؤُلَاءِ حَاجِّمُ فِيمَا لَكُمْ بِهِ عِلْمٌ فَإِمَّا تُحَاجِّوْنَ فِيمَا لَيْسَ لَكُمْ بِهِ عِلْمٌ وَاللَّهُ يَعْلَمُ وَأَنْتُمْ لَا
تَعْلَمُونَ (۶۶)

۶۶. Эй сизлар, Аллоҳнинг элчиси Мұхаммад соллал-лоҳу алайҳи ва саллам билан ўз динларингиз борасида ўзингиз билган ва китобларингизда түғри деб эътиқод қилган ишларингиз ҳақида талашиб-тортишдингиз. Энди нега у ҳакда билим ва маълумотингиз бўлмаган нарсада — Иброҳим алайҳиссалом ҳақида тортишасиз?! Аллоҳ барча махфий ишларни-да билади, сизлар билмайсиз!

مَا كَانَ إِبْرَاهِيمُ يَهُودِيًّا وَلَا نَصْرَانِيًّا وَلَكِنْ كَانَ حَنِيفًا مُسْلِمًا وَمَا كَانَ مِنْ الْمُشْرِكِينَ (۶۷)

۶۷. Иброҳим яҳудий ҳам, насроний ҳам бўлмаган. Яҳудийлик ҳам, насронийлик ҳам Иброҳимдан кейин вужудга келган. Балки, у Аллоҳга итоат этувчи, Унинг амру фармонларига эргашувчи, Парвардигорига бўйсинувчи бўлган, мушриклардан бўлмаган.

إِنَّ أُولَئِنَا النَّاسُ بِإِيمَانِ رَبِّهِمْ لِلَّذِينَ اتَّبَعُوهُ وَهَذَا النَّبِيُّ وَالَّذِينَ آمَنُوا وَاللَّهُ وَلِيُّ الْمُؤْمِنِينَ (٦٨)

۶۸. Одамларнинг Иброҳимга энг ҳақли ва энг яқин бўлганлари унга иймон келтирган, унинг пайғамбарлигини тасдиқ этиб, динига эргашган кишилар ҳамда бу пайғамбар — Мұхаммад соллаллоҳу алайҳи ва саллам — ва унга иймон келтирган кишилардир. Аллоҳ Ўзига иймон келтирган ва

шариатига эргашган зотларнинг
дўстидир.

وَدَّتْ طَائِفَةٌ مِّنْ أَهْلِ الْكِتَابِ لَوْ يُضْلُّنَّكُمْ وَمَا يُضْلِّلُونَ إِلَّا أَنفُسَهُمْ وَمَا يَشْعُرُونَ (٦٩)

۶۹. Яхудий ва насронийлардан бир тоифаси сизларни — эй мусулмонлар — Исломдан оздиришини истайди. Бироқ, улар ўзларини ва уларга эргашган кимсаларнигина адаштиришади. Лекин, буни ўзлари билишмайди.

يَا أَهْلَ الْكِتَابِ لَمْ تَكُفُّرُوْنَ بِآيَاتِ اللَّهِ وَأَنْتُمْ شَهَدُوْنَ (٧٠)

۷۰. Эй Таврот ва Инжил эгалари, нима учун сизлар Аллоҳ Ўз пайғамбарларига китобларида нозил қилган оятларни инкор этасиз, уларда Муҳаммад соллаллоҳу алайҳи ва саллам кутилаётган

пайғамбар экани ва у олиб келган
дин ҳақ экани ҳақида битилган эди?!
Сизлар бунга гувоҳ бўла туриб,
инкор қилмоқдасиз!

يَا أَهْلُ الْكِتَابِ لَمْ تُلِسُوْنَ الْحَقَّ بِالْبَاطِلِ وَتَكْثُمُوْنَ الْحَقَّ وَأَنْتُمْ تَعْلَمُوْنَ (٧١)

۷۱. Эй Таврот ва Инжил эгалари,
нима учун ўз китобларингизда
бўлган ҳақни ўзингиз тўқиб олган ва
ўз қўлларингиз билан битган
ботилга аралаштирасиз ва ҳар икки
китобда бор бўлган Муҳаммад
соллаллоҳу алайҳи ва салламнинг
белгилари ва у олиб келган диннинг
ҳақ экани тўғрисидаги сўзларни
яширасиз?! Ҳолбуки, буни ўзингиз
яхши биласиз!

وَقَالَتْ طَائِفَةٌ مِّنْ أَهْلِ الْكِتَابِ آمَنُوا بِالَّذِي أُنْزِلَ عَلَى الَّذِينَ آمَنُوا وَجْهَ النَّهَارِ وَأَكْفَرُوا آخِرَةً لَعَلَّهُمْ يَرْجِعُوْنَ (٧٢)

٧٢. Аҳли китоб яҳудийлардан бир тоифаси: «Мўмин-ларга нозил қилинган нарсани куннинг аввалида тасдиқ этиб, куннинг охирига бориб инкор қилинглар, шояд улар динлари ҳақида шак-шубҳа қилиб, ундан қайтиб кетишса», дейишиди.

وَلَا تُؤْمِنُوا إِلَّا مَنْ تَبَعَ دِينَكُمْ فَلْمَنْ هُدَى اللَّهُ أَنْ يُؤْتَى أَحَدٌ مِثْلَ مَا أُوتِيَتُمْ أَوْ يُحَاجُّوكُمْ عِنْ دِرْبِكُمْ فَلْمَنْ أَفْضَلُ بِيَدِ اللَّهِ يُؤْتِيَهُ مِنْ يَسَّأَلُ وَاللَّهُ وَاسِعٌ عَلَيْهِمْ (٧٣)

٧٣. (Улар яна:) «Сизлар фақат ўз динингизга эргашган ва яҳудий бўлган кимсаларниги на ҳақ-рост тасдиқ этинглар», дейишиди. Эй Пайғамбар, сиз уларга: «Албатта, ҳидоят ва тавфиқ Аллоҳнинг ҳидояти ва сахих динга муваффак этишидир», деб айтинг. Улар (бир-бирларига): «Ўзингизда бўлган

билим (маълумотлар)ни мусулмонларга ошкор қилиб қўйманг, акс ҳолда улар сизлардан ўрганиб олиб, уни билишда сизларга тенглашиб олишади ва оқибатда улар сизлардан афзалга айланишади ёки Роббингиз ҳузурида ўша маълумотларни сизларга қарши ҳужжат қилишиб, сизлардан ғолиб бўлишади», дейишди. Эй Пайғамбар, **сиз уларга айтинг:** «Фазлу марҳамат ва бошқа барча ишлар Аллоҳнинг қўлида ва Унинг тасарруфи остида, уларни Ўзига ва пайғамбарига иймон келтирган бандалари орасидан истаган кишисига ато этади. Аллоҳ кенг фазлу карам эгаси ва барча нарсани билувчи Зотдир, илми ва фазлу

марҳамати Унинг неъмати ва
фазлига лойик бўлган барча
махлукотларини қамраб олгай».

يَخْتَصُ بِرَحْمَتِهِ مَنْ يَشَاءُ وَاللَّهُ ذُو الْفَضْلِ الْعَظِيمِ (٧٤)

٧٤. Албатта, Аллоҳ халқлари
орасидан Ўзи истаган кишисини ўз
раҳматига — пайғамбарлик ва энг
мукаммал шариатга йўллаш
шарафига — хослагай, Аллоҳ буюк
фазлу карам соҳибидир.

وَمِنْ أَهْلِ الْكِتَابِ مَنْ إِنْ تَأْمُنُهُ بِقِنْطَارٍ يُؤَدِّي إِلَيْكَ وَمِنْهُمْ مَنْ إِنْ تَأْمُنُهُ بِدِينَارٍ لَا يُؤَدِّي إِلَيْكَ إِلَّا مَا
دُمْتَ عَلَيْهِ قَائِمًا ذَلِكَ بِأَنَّهُمْ قَالُوا لَنَا عَلَيْنَا فِي الْأَمْرِيْنِ سَبِيلٌ وَيَقُولُونَ عَلَى اللَّهِ الْكَذِيبُ وَهُمْ
يَعْلَمُوْنَ (٧٥)

٧٥. Яхуд аҳли китоблари ичида
жуда кўп пул-молни омонат
қўйсангиз ҳам, уни ҳеч бир
хиёнатсиз адo этадиган кишилар
ҳам бор, яна улар ичида биргина

динорни омонат қўйсангиз, шуни ҳам то ортидан талаб қилиб, кўп ҳаракат қилмагунингизча адо этмайдиган кимсалар ҳам бор. Бунинг сабаби эса, уларни арабларнинг молларини ноҳақ ўзларига ҳалол санайдиган ва «уларнинг молларини есак, бизга ҳеч қандай гуноҳ бўлмайди, чунки Аллоҳ уни бизга ҳалол қилган», деб айтадиган қилиб қўйган бузук ақидалариридир. Улар айтаётган бу гап Аллоҳга нисбатан бўхтон бўлиб, улар ўзларининг ёлғончи эканларини жуда яхши биладилар.

بَلِّي مِنْ أُوْفَىٰ بِعَهْدِهِ وَأَنَّقَىٰ فَإِنَّ اللَّهَ يُحِبُّ الْمُنْتَقِينَ (٧٦)

76. Йўқ, иш у ёлғончилар даъво қилаётгандек эмас. Балки, омонатни

адо этиш, Аллоҳга ва Унинг пайғамбарларига иймон келтириш каби Аллоҳга берган аҳдига вафо қилган, Унинг йўли ва шариатини маҳкам тутган, Аллоҳ азза ва жалладан қўрқиб, Унинг амру фармонларини бажарган ва қайтарган нарсаларидан тийилган киши ҳақиқий тақвадордир. Аллоҳ ширк ва гуноҳлардан сақланувчи тақвадор зотларни яхши кўради.

إِنَّ الَّذِينَ يَسْتَرُونَ بِعْهْدِ اللَّهِ وَأَيْمَانِهِمْ ثَمَنًا قَلِيلًا أُولَئِكَ لَا خَلَقَ لَهُمْ فِي الْآخِرَةِ وَلَا يُكَلِّمُهُمُ اللَّهُ وَلَا يُبَطِّلُ إِلَيْهِمْ يَوْمَ الْقِيَامَةِ وَلَا يُرْجِكِيهِمْ وَلَأَهْمَمُ عَذَابُ اللَّهِ (٧٧)

77. Аллоҳга берган аҳдни ва Аллоҳнинг пайғамбарларига туширган китобларидаги васиятини (амрини) арзимас дунё матосига алиштирган кимсалар учун охиратда

савобдан ҳеч қандай улуш йўқдир, қиёмат куни Аллоҳ уларга яхши гапирмайди, раҳмат назари билан боқмайди, уларни куфру маъсиятлар кирлигидан покламайди, улар учун аламли азоб бордир.

وَإِنْ مِنْهُمْ لَفَرِيقًا يَلْتَهِمُ بِالْكِتَابِ لِتُحْسِنُوهُ مِنْ الْكِتَابِ وَمَا هُوَ مِنْ الْكِتَابِ وَيَقُولُونَ هُوَ مِنْ عِنْدِ اللَّهِ وَمَا هُوَ مِنْ عِنْدِ اللَّهِ وَيَقُولُونَ عَلَى اللَّهِ الْأَكْذِبُ وَهُمْ يَعْلَمُونَ (٧٨)

78. Яҳудлар ичида бир тоифаси борки, Аллоҳнинг каломини бузиб, ўзгартириб ўқишиади ва бошқаларга буни Аллоҳнинг каломи, яъни Таврот деб уқтиromoқчи бўлишади. Ваҳоланки, унинг Аллоҳ каломига ҳеч қандай алоқаси йўқдир. Улар бу сўзларни Аллоҳ пайғамбари Мусога ваҳий қилган, дейишади. Ваҳоланки, у Аллоҳ ҳузуридан эмасдир. Улар

арзимас дунёлари йўлида Аллоҳга
нисбатан ёлғон сўзлашади ва
ўзларининг ёлғончи эканларини
яхши билишади.

مَا كَانَ لِيَشَرِّ أَنْ يُؤْتِيهِ اللَّهُ الْكِتَابَ وَالْحُكْمَ وَالنِّبَوَةَ ثُمَّ يَقُولَ لِلنَّاسِ كُوئُنَا عِبَادًا لِي مِنْ دُونِ اللَّهِ
وَلَكُنْ كُوئُنَا رَبَّانِيَّينَ بِمَا كُنْتُمْ تُعْلَمُونَ الْكِتَابَ وَبِمَا كُنْتُمْ تَدْرُسُونَ (٧٩)

79. Одамлар ичидан бирор кишига
Аллоҳ ўзининг китобини тушириб,
халқлари ўртасида уни ҳакам қилган
ва Ўзининг пайғамбарлигига
танлаган бўлса, **кейин у киши**
одамларга: «Аллоҳни қўйиб, менга
ибодат қилинглар» деб айтиши жоиз
эмас, **балки:** «Аллоҳниңг китобини
бошқалар-га ўргатиб, ўзингиз ҳам
уни ёд олиш, билиш ва англаш
билан ўқиб-ўрганиб, донишманд,

фақих ва олимлар бўлинглар», деб айтмоғи лойикдир.

وَلَا يَأْمُرُكُمْ أَنْ تَتَّخِذُوا الْمَلَائِكَةَ وَالنَّبِيِّينَ أَرْبَابًا أَيْمَرُكُمْ بِالْكُفْرِ بَعْدَ إِذْ أَنْتُمْ مُسْلِمُونَ (٨٠)

٨٠. Улардан бирортаси сизларни Аллоҳни қўйиб, фаришта ва пайғамбарларни илоҳ қилиб олишга ва ўшаларга сифинишга буюриши жоиз эмасдир. Эй одамлар, пайғамбар сизларни Аллоҳнинг амрига бўйсунганингиздан кейин, энди Унга кофир бўлишга буюриши ақлга тўғри келадими?!

وَإِذْ أَحَدَ اللَّهُ مِيقَاتَ النَّبِيِّينَ لَمَّا آتَيْنَاهُمْ مِنْ كِتَابٍ وَحِكْمَةً ثُمَّ جَاءُكُمْ رَسُولٌ مُصَدِّقٌ لِمَا مَعَكُمْ لَثُورِمَنْ
بِهِ وَلَنْتَصُرُرْنَاهُ قَالَ أَفْرَزْنُمْ وَأَخَذْنُمْ عَلَى ذَلِكُمْ إِصْرِي قَالُوا أَفْرَزْنَا قَالَ فَاشْهَدُوا وَأَنَا مَعَكُمْ مِنْ
الشَّاهِدِينَ (٨١)

٨١. Эсланг эй Пайғамбар, Аллоҳ субҳанаҳу ва таоло барча пайғамбарлардан қатъий ахд-

паймон олган эдики: «Агар Мен сизларга китоб ва ҳикмат берсам, кейин сизларга Менинг ҳузуримдан ўзингиздаги нарсани тасдиқловчи бир пайғамбар келса, албатта унга иймон келтирасиз ва ёрдам берасиз. Сизлар шунга иқрормисиз, буни эътироф этдингизми ва шу нарса устида Менга қатъий аҳду паймон берасизми?» Улар: «Ҳа, биз бунга иқрор бўлдик», дедилар. «Ундей бўлса, бир-бирингизга гувоҳ бўлингиз, умматларингиз устида ҳам сизлар гувоҳ бўлинг, Мен ҳам сизлар билан бирга ўзингиз ва умматларингиз устида гувоҳларданман», деди.

Ушбу оятдан Аллоҳ таоло ҳар бир пайғамбардан Мұхаммад соллаллоҳу алайҳи ва салламга иймон келтиришга ахду паймон олгани, шунингдек, барча пайғамбарларнинг умматларидан бу борада ахду паймон олгани маълум бўлмоқда.

فَمَنْ تَوَلََّ بَعْدَ ذَلِكَ فَأُولَئِكَ هُمُ الْفَاسِقُونَ (٨٢)

٨٢. Ким энди Аллоҳ пайғамбарларидан олган ана шу ахду паймондан кейин Ислом даъватидан юз ўгирса, ана ўшалар Аллоҳнинг динидан ва Роббиларининг тоатидан чиқувчи кимсалардир.

أَفَغَيْرَ دِينَ اللَّهِ يَبْغُونَ وَلَهُ أَسْلَمْ مَنْ فِي السَّمَاوَاتِ وَالْأَرْضِ طَوْعًا وَكَرْهًا وَإِلَيْهِ يُرْجَعُونَ (٨٣)

۸۳. Аҳли китобдан бўлган у фосиқ
кимсалар Аллоҳнинг динидан —
Аллоҳ Муҳаммад соллаллоҳу
алайҳи ва саллам билан юборган
Исломдан — бошқа динни
истайдиларми?! Ҳолбуки,
осмонлару ердаги барча жонзотлар
— мўминлар каби — ихтиёрий
равишда ва — кофирлар каби —
бошларига оғир кун келиб, энди
бундай қилишлари фойда
бермайдиган вақтда беихтиёр
Аллоҳга бўйин эгиб, таслим бўлиб
турибди-ку! Шунингдек, бошқа
барча мавжудот ҳам Унга бўйсуниб
турибди. Киёмат куни ҳамма Унинг
ҳузурига қайтарилади ва У ҳаммага
ўз қилмишига яраша жазо-ю
мукофот беради.

Бу Аллоҳ таолодан халқларига
бўлган огоҳлантириш-ки, ҳеч бир
кимса Унинг ҳузурига Ислом
миллатидан ўзга йўл устида
қайтмасин.

فُلْ آمَنًا بِاللَّهِ وَمَا أُنْزِلَ عَلَيْنَا وَمَا أُنْزِلَ عَلَى إِبْرَاهِيمَ وَإِسْمَاعِيلَ وَإِسْحَاقَ وَيَعْقُوبَ وَالْأَسْبَاطِ وَمَا أُوتِيَ مُوسَى وَعِيسَى وَالنَّبِيُّونَ مِنْ رَبِّهِمْ لَا تُفَرِّقُ بَيْنَ أَحَدٍ مِنْهُمْ وَتَحْنُ لَهُ مُسْلِمُونَ (۸۴)

۸۴. Эй Пайғамбар, сиз уларга
айтинг: «Биз Аллоҳга иймон
келтириб, итоат қилдик, биз учун
Ундан ўзга Роб ва Ундан ўзга
маъбуд йўқдир. Биз Аллоҳ бизга
нозил қилган ваҳийга, шунингдек,
Иброҳим Халиуллоҳга, унинг
ўғиллари Исмоил ва Исҳоққа,
набираси Яъқуб ибн Исҳоққа нозил
қилган нарсага, яна У асботга —
Яъқуб авлоди бўлмиш Бану

Исройлнинг ўн икки қабиласига келган пайғамбарларга — нозил қилган нарсага, Мусо ва Ийсога берилган Таврот ва Инжилга, шунингдек, Аллоҳ Ўз пайғамбарлариға нозил қилган барча нарсага иймон келтирдик. Биз у пайғамбарларнинг барчасига иймон келтирамиз ва ораларидан бирортасини ажратмаймиз, биз Аллоҳнинг ёлғиз Ўзига тоат билан бўйин эгувчимиз, Унинг рубубияти ва улуҳиятига ибодат билан иқрормиз».

وَمَنْ يَتَّبِعْ غَيْرَ الْإِسْلَامِ دِينًا فَأُنَّ يُفْلِئَ مِنْهُ وَهُوَ فِي الْآخِرَةِ مِنُّ الْخَاسِرِينَ (٨٥)

۸۵. Ким Ислом динидан — Аллоҳга тавхид билан бўйсуниш ва тоат-ибодат билан бўйин эгиш, Унинг

сўнгги пайғамбари Мұхаммад соллаллоҳу алайҳи ва салламга иймон келтириш, әргашиш ва зоҳиру ботинда муҳабbat қўйиш билан бўйсунишдан — ўзга бир дин истаса, унинг бу дини Аллоҳ ҳузурида асло қабул этилмас ва у охират куни охиратдаги насибаларни қўлдан бой берган зиёнкор-лардан бўлгай.

كَيْفَ يَهُدِي اللَّهُ قَوْمًا كَفَرُوا بَعْدَ إِيمَانَهُمْ وَشَهَدُوا أَنَّ الرَّسُولَ حَقٌّ وَجَاءَهُمُ الْبَيِّنَاتُ وَاللَّهُ لَا يَهُدِي النَّقْمَ الظَّالِمِينَ (٨٦)

۸۶. Мұхаммад соллаллоҳу алайҳи ва салламга иймон келтириб, унинг ҳак пайғамбар эканига ва у келтирган дин ҳак эканига гувоҳ бўлишганидан сўнг ва бу борада уларга Аллоҳ тарафидан далил-

хужжатлар келганидан сўнг энди у пайғамбарни инкор қилган қавмни Аллоҳ қандай иймонга муваффак қилсин?! Аллоҳ золим қавмни — ҳақдан ботилга бурилиб, иймон устига куфрни ихтиёр қилган кимсаларни тўғри йўлга хидоят қилмайди.

أُولَئِكَ جَرَأُوهُمْ أَنَّ عَلَيْهِمْ لَعْنَةُ اللَّهِ وَالْمَلَائِكَةِ وَالثَّالِثُ أَجْمَعِينَ (٨٧)

۸۷. У золимларнинг жазоси — уларга Аллоҳнинг, фаришталарнинг ва барча инсонларнинг лаънати бўлгай, улар Аллоҳнинг раҳматидан қувилган кимсалардир.

خَالِدِينَ فِيهَا لَا يُخَفَّفُ عَنْهُمُ الْعَذَابُ وَلَا هُمْ يُنْظَرُونَ (٨٨)

۸۸. Улар дўзахда абадий қолгайлар, азоб улардан салгина бўлсада

күтарилилмас ва улар бир оз бўлсада тин олмаслар, келтирган узру баҳоналари сабабли азоб улардан асло кечиктирилилмас.

إِلَّا الَّذِينَ تَأْبُوا مِنْ بَعْدِ ذَلِكَ وَأَصْلَحُوا فَإِنَّ اللَّهَ غَفُورٌ رَّحِيمٌ (٨٩)

۸۹. Энди куфр ва зулмларидан қайтиб, Роббилиларига холис тавба қилган ҳамда қилган бузғунчиликларини тавбалари билан тузатган кишилар бундан мустаснодир, албатта Аллоҳ уларнинг тавбаларини қабул қилгай, зотан У бандаларининг гуноҳларини кечирувчи, уларга раҳмли Зотдир.

إِنَّ الَّذِينَ كَفَرُوا بَعْدَ إِيمَانِهِمْ ثُمَّ ازْدَادُوا كُفْرًا لَّنْ تُقْبَلَ تَوْبَتُهُمْ وَأُولَئِكَ هُمُ الضَّالُّونَ (٩٠)

۹۰. Албатта, иймон келтирганларидан сўнг кофир

бўлган ва бир умр куфрда яшаган кимсаларнинг ўлим олдида қилган тавбалари асло қабул қилинmas. Ана ўшалар адашган ва йўлдан озган кимсалардир.

إِنَّ الَّذِينَ كَفَرُوا وَمَا ثُوا وَهُمْ كُفَّارٌ فَلَنْ يُقْبَلَ مِنْ أَحَدِهِمْ مِنْ لُؤْلُؤَ الْأَرْضِ ذَهَبًا وَلَوْ افْتَدَى بِهِ أُولَئِكَ لَهُمْ عَذَابٌ أَلِيمٌ وَمَا لَهُمْ مِنْ نَاصِرِينَ (٩١)

۹۱. Албатта, Мұхаммад соллаллоху алайҳи ва саллам-нинг пайғамбарлигини инкор қилган ва Аллоҳу Расулига кофир бўлиб ўлган кимсалардан бирори қиёмат куни ўзини Аллоҳнинг азобидан қутқариб олиш учун Ер юзи тўла олтинни тўлов сифатида берса ҳам, асло қабул қилинmas. Улар учун аламли азоб бордир ва улар учун Аллоҳнинг

азобидан қутқариб олувчи бирон
ёрдамчи бўлмагай.

Тўртинчи жузъ

لَنْ تَتَأْلُوا الْبَرَّ حَتَّىٰ تُنْفِقُوا مِمَّا تَحْبُّونَ وَمَا تُنْفِقُوا مِنْ شَيْءٍ فَإِنَّ اللَّهَ بِهِ عَلِيمٌ (٩٢)

۹۲. Ўзингиз суйган нарсалардан инфок-эҳсон қилма-гунча ҳаргиз жаннатга етолмайсизлар. Қандай бир нарсани инфок-эҳсон қилиб берсангиз, оз бўлсин, кўп бўлсин, уни албатта Аллоҳ билиб турувчидир, У ҳар бир инфок қилувчига амалига яраша мукофот бергай.

كُلُّ الطَّعَامِ كَانَ حَلَالًا لِّبْنِي إِسْرَائِيلَ إِلَّا مَا حَرَمَ إِسْرَائِيلُ عَلَىٰ نَفْسِهِ مِنْ قَبْلٍ أَنْ تُنَزَّلَ التَّوْرَاهُ فَلَمْ
فَلُّوْا بِالْتَّوْرَاهِ فَأَثْلَوْهَا إِنْ كُنْتُمْ صَادِقِينَ (۹۳)

۹۳. Таврот нозил қилинишидан илгари ҳар қандай покиза емиш Бану Исроилга — Яъқуб алайҳиссалом авлодига — ҳалол бўлиб, фақат Исроил — Яъқуб — ўзига етган бир касаллик сабабли ўзига ҳаром қилган нарсагина бундан мустасно эди. Таврот нозил қилингач, Аллоҳ Бану Исроилга зулм ва тажовузлари сабабли аввал улар учун ҳалол бўлган айрим емишларни ҳаром қилди. Эй Пайғамбар, [сиз уларга айтинг:](#) «Агар сизлар, Аллоҳ Бану Исроилга Яъқуб ўзига ҳаром қилган нарсани ҳаром қилиб, Тавротда оят нозил қилган, деган даъволарингизда ҳақрост бўлсангиз, Тавротни олиб келиб, ўқинглар, токи шунда

Куръонда келган, Аллоҳ таоло
Таврот нозил қилинишидан илгари
Бану Исроилга Яъқуб ўзига ҳаром
қилган баъзи нарсани ҳаром қилгани
ҳақидаги сўзларнинг ҳақлигини
биласизлар».

فَمَنْ افْتَرَى عَلَى اللَّهِ الْكَذِبَ مِنْ بَعْدِ ذَلِكَ فَأُولَئِكَ هُمُ الظَّالِمُونَ (٩٤)

٩٤. Тавротни ўқиб, ҳақиқат очик-
равшан бўлганидан кейин ҳам ким
энди Аллоҳга нисбатан бўхтон
тўқиса, ана ўшалар Аллоҳ номидан
ботилни айтувчи золимлардир.

فُلْ صَدَقَ اللَّهُ فَاتَّعُوا مِلَّةَ إِبْرَاهِيمَ حَنِيفًا وَمَا كَانَ مِنَ الْمُشْرِكِينَ (٩٥)

٩٥. Эй Пайғамбар, [сиз уларга](#)
[айтинг](#): «Аллоҳ хабар берган
нарсалар ва У тузиб берган шариат
ҳақ-ростдир. Агар сизлар

Аллоҳнинг халили (дўсти) Иброҳим алайҳис-саломни яхши кўриш ва унинг динига нисбатланиш ҳақидаги даъвонгизда рост бўлсангиз, Аллоҳ Муҳаммад соллаллоҳу алайҳи ва саллам тилларида шаръий қилган Иброҳим миллатига эргашинг, зеро ҳеч қандай шак-шубҳа бўлмаган ҳак йўл шудир. Иброҳим алайҳиссалом тавҳид ва ибодатда Аллоҳга бирон кимсани шерик қилувчилардан бўлмаган».

إِنَّ أَوَّلَ بَيْتٍ وُضِعَ لِلنَّاسِ لَذِي بِنَكَةً مُبَارَكًاً وَهُدًى لِلْعَالَمِينَ (٩٦)

۹۶. Албатта, Ер юзида Аллоҳга ибодат қилиш учун қурилган биринчи уй Маккадаги Аллоҳнинг Уйи — Каъбадир. Бу Уй баракотлидир, унда ҳасанот (ажру

савоблар) бир неча баробар кўпайтириб берилади, унда Аллоҳнинг раҳматлари ёғилади, намозларда уни қибла тутишда ҳамда ҳаж ва умра учун уни қасд қилишда одамлар учун яхшилик ва ҳидоят бордир.

فِيهِ آیَةٌ بَيْنَتُ مَقَامُ ابْرَاهِیمَ وَمَنْ دَخَلَهُ كَانَ امِنًاٰ وَلَهُ عَلَى النَّاسِ حُجُّ الْبَيْتِ مَنْ اسْتَطَاعَ إِلَيْهِ سَبِيلًاٰ وَمَنْ كَفَرَ فَإِنَّ اللَّهَ غَنِيٌّ عَنِ الْعَالَمِينَ (۹۷)

۹۷. Бу Уйда уни Иброҳим бино қилганига ва Аллоҳ уни муazzам ва шарафли қилиб қўйганига далил бўлувчи очик-равшан далиллар бор бўлиб, Мақоми Иброҳим шулар жумласидандир. Мақоми Иброҳим (**Иброҳим алайҳиссалом қадамжолари**) у зот ўғиллари Исмоил билан бирга Байтуллоҳ

пойдеворларини күтариш пайтида оёқларини қўйиб турган тошдир. Ким бу Уйга кирса, унинг жони омонда бўлиб, ҳеч ким унга ёмонлик етказмайди. Ер юзининг қай бир жойида бўлмасин, қодир бўлган ҳар бир инсонга Аллоҳ таоло ҳаж ибодатини адо этиш учун ушбу Уйни қасд қилишни вожиб-фарз қилди. Ким ҳажнинг фарзлигини инкор қилса, кофир бўлиби, Аллоҳ унинг ва умуман бошқаларнинг ҳам ҳажлари-ю бошқа амалларидан беҳожат Зотдир.

فُلْ يَا أَهْلَ الْكِتَابِ لَمْ تَكُفُرُونَ بِآيَاتِ اللَّهِ وَاللَّهُ شَهِيدٌ عَلَى مَا تَعْمَلُونَ (٩٨)

۹۸. Эй Пайғамбар, аҳли китоб бўлмиш яхуд ва насорога айтинг:
«Нега сизлар ўз китобларингизда

мавжуд бўлган, Аллоҳнинг дини фақат Ислом эканига далил бўлувчи далил-хужжатларни билиб туриб, инкор қиласиз?! Аллоҳ сизларнинг қилмишларингизга гувоҳдир».

Бунда улар учун таҳдид ва азоб билан огоҳлантириш бордир.

فُلْ يَا أَهْلَ الْكِتَابِ لَمْ تَصُدُّونَ عَنْ سَبِيلِ اللَّهِ مَنْ آمَنَ تَبْعُونَهَا عِوَجًا وَأَنْتُمْ شُهَدَاءٌ وَمَا اللَّهُ بِغَافِلٍ عَمَّا تَعْمَلُونَ (۹۹)

۹۹. Эй Пайғамбар, яҳуд ва насорога айтинг: «Нега сизлар мен келтирган диннинг ҳақ эканини билганингиз ҳолда, Исломга киришни истаган кишиларни ундан тўсиб, уларни тўғрилик ва ҳақдан тойилишларини ва йўлдан озишларини истайсиз?! Аллоҳ қилаётган ишларингиздан ғофил эмас, У сизларни бу

қилмишларингизга яраша жазолайди».

يَا أَيُّهَا الَّذِينَ آمَنُوا إِنْ تُطِيعُوا فَرِيقاً مِّنْ الَّذِينَ أَوْتُوا الْكِتَابَ يَرْدُو كُمْ بَعْدَ إِيمَانِكُمْ كَافِرِينَ (١٠٠)

‘. Эй Аллоҳу Расулига иймон келтириб, Унинг шариатига амал қилаётган кишилар, агар аҳли китоб бўлмиш яхуд ва насородан бир тоифасига итоат қилсангиз, улар сизларни иймон келтирганингиздан сўнг ҳақни инкор қилиб, кофирликка қайтиб кетишингиз учун йўлдан адаштиришади ва динингиз тўғрисида шубҳага солишади. Шундай экан, динингиз хусусида уларга ишонманг ва уларнинг фикру маслаҳатларини қабул қилманг!

وَكَيْفَ تَكُفُّرُونَ وَأَنْتُمْ شُتَّىٰ عَلَيْكُمْ آيَاتُ اللَّهِ وَفِيهِمْ رَسُولُهُ وَمَنْ يَعْتَصِمْ بِاللَّهِ فَقَدْ هُدِيٌ إِلَى صِرَاطٍ
مُسْتَقِيمٍ (١٠١)

۱۰۱. Эй мўминлар, сизларга Аллоҳнинг оятлари тиловат қилиниб турган ва орангизда Аллоҳнинг элчиси Муҳаммад соллаллоҳу алайҳи ва саллам ушбу оятларни сизларга етказиб турган ҳолда, қандай қилиб Аллоҳга кофир бўласиз?! Ким Аллоҳга боғланса ва Китобу Суннатни маҳкам тутса, очик-равшан ва тўғри йўлга муваффақ бўлибди.

يَا أَيُّهَا الَّذِينَ آمَّلُوا أَنْقُوا اللَّهَ حَقًّا ثُقَاتِهِ وَلَا تَمُؤْنَثُ إِلَّا وَأَنْتُمْ مُسْلِمُونَ (١٠٢)

۱۰۲. Эй Аллоҳу Расулига иймон келтириб, Унинг шариатига амал қилаётган кишилар, Аллоҳдан ҳаққи-рост қўрқинг! Бу эса Унга

итоат қилиш ва осий бўлмаслик, шукр бажо келтириш ва куфрони неъмат қилмаслик, Уни зикр қилиш ва эсдан чиқармаслик билан ҳосил бўлади. Ва бир умр Исломда маҳкам бўлинг ва фақат мусулмон бўлган ҳолингизда вафот этинг!

وَأَعْنَصُمُوا بِحَبْلِ اللَّهِ حَمِيعاً وَلَا تَقْرَفُوا وَادْكُرُوا نِعْمَةَ اللَّهِ عَلَيْمَ إِذْ كُنْتُمْ أَعْدَاءً فَلَلَّفَتْ بَيْنَ قُلُوبِكُمْ
فَأَصْبَحْتُمْ بِنِعْمَتِهِ إِخْوَانًا وَكُنْتُمْ عَلَى شَفَا حُفْرَةٍ مِّنَ النَّارِ فَأَنْقَذَكُمْ مِّنْهَا كَذَلِكَ يُبَيِّنُ اللَّهُ لَكُمْ آيَاتِهِ
لَعَلَّكُمْ تَهَدُونَ (١٠٣)

۱۰۳. Барчангиз Роббингизнинг Китобини ва пайғамба-рингизнинг йўлини маҳкам туting, бўлиниш ва тарқоқ-ликка олиб борадиган ишларга қўл урманг! Аллоҳ сизларга инъом қилган буюк неъматни ёдда туting: сизлар — эй мўминлар — Исломдан илгари бир-бирингиз билан душман эдингиз,

Аллоҳ қалбларингизни Ўзининг ва пайғамбари-нинг муҳаббати устида бирлаштирди ва қалбларингизга бир-бирингизга бўлган меҳр-муҳаббатни солди, Унинг фазлу марҳамати билан сизлар ўзаро муҳаббатли оға-иниларга айландингиз. Ва сизлар жаҳаннам ёқасида эдингиз, Аллоҳ сизларни Ислом билан тўғри йўлга йўллаб, дўзахдан қутқарди. Рушду ҳидоят йўлига йўлланишингиз ва ундан асло адашиб кетмаслигингиз учун Аллоҳ сизларга сахих иймон белгиларини қандай баён қилиб берган бўлса, солих бўлишингизга сабаб бўладиган барча ишларни худди шундай баён қиласди.

وَلَتَكُنْ مِنْكُمْ أُمَّةٌ يَدْعُونَ إِلَى الْخَيْرِ وَيَأْمُرُونَ بِالْمَعْرُوفِ وَيَنْهَا عَنِ الْمُنْكَرِ وَأُولَئِكَ هُمُ الْمُفْلِحُونَ (٤٠)

‘04. Эй мўминлар, сизларнинг орангиздан яхшиликка чорлайдиган, маъруфга — яхши иш экани шаръян ва ақлан билинган нарсага — буюрадиган ва мункардан — ёмон иш экани шаръян ва ақлан билинган нарсадан — қайтарадиган бир жамоат бўлсин. Ана ўшалар нознеъматли жаннатларга эришувчи кишилардир.

وَلَا تَكُونُوا كَالَّذِينَ تَقْرَئُونَا وَأَخْتَلُفُوا مِنْ بَعْدِ مَا جَاءَهُمُ الْبَيِّنَاتُ وَأُولَئِكَ لَهُمْ عَذَابٌ عَظِيمٌ (٥١)

‘05. Эй мўминлар, ораларига адоват ва нафрат тушиб, ҳар хил гуруҳ ва тоифаларга бўлиниб кетган, ҳак уларга равshan бўлганидан сўнг динларининг асл-асосларида

ихтилофга берилган аҳли
китоблардек бўлманг! Улар улкан ва
аламли азобга лойикдирлар.

يَوْمَ تَبَيَّضُ وُجُوهٌ وَتَسْوَدُ وُجُوهٌ فَلَمَّا أَسْوَدَتْ وُجُوهُهُمْ أَكَفَرُنَّمُ بَعْدَ إِيمَانِكُمْ فَذُوقُوا الْعَذَابَ بِمَا كُلُّمُ تَكْفُرونَ (١٠٦)

‘Онъ. Киёмат куни Аллоҳ ва Расулига иймон келтирган ва Аллоҳнинг амру фармонларини адо этган баҳтли кишиларнинг юzlари оқ бўлгай, Аллоҳнинг расулини ёлғончига чиқарган ва Унинг амру фармонларига осий бўлган баҳтсиз кимсаларнинг юzlари қора бўлгай. Энди юзи қора бўлган кимсаларни шармисор қилиниб, **уларга:** «Иймон келтирганингиздан сўнг яна куфрга қайтдингизми, куфрни иймондан афзал билдингизми?! Энди кофир

бўлганингиз сабабли азобни
тотинг!», дейилгай.

وَأَمَّا الَّذِينَ اتَيْضَثُتْ وُجُوهُهُمْ فَفِي رَحْمَةِ اللَّهِ هُمْ فِيهَا خَالِدُونَ (١٠٧)

١٠٧. Неъматлар жилvasи ва хушхабарлар таъсирида юзлари оқариб, ёришиб кетган кишилар эса Аллоҳнинг жаннати ва ноз-неъматлари ичра абадий қолгайлар.

نَلْكَ آيَاتُ اللَّهِ تَنْلُوْهَا عَلَيْكَ بِالْحَقِّ وَمَا اللَّهُ يُرِيدُ ظُلْمًا لِّلْعَالَمِينَ (١٠٨)

١٠٨. Бу Аллоҳнинг оятлари ва очик-равшан ҳужжат-лариdirki, биз уларни сизга — эй Пайғамбар — ҳак билан тиловат қилмоқдамиз. Аллоҳ халқларидан бирон кишига зулм қилувчи ва уларнинг биронта ҳам амалини зое қилувчи эмасдир.

Чунки, У ҳеч қачон зулм
қилмайдиган адолатли Ҳокимдир.

وَلِلَّهِ مَا فِي السَّمَاوَاتِ وَمَا فِي الْأَرْضِ وَإِلَيْهِ تُرْجَعُ الْأَمْوَارُ (١٠٩)

‘ ۱۰۹. Осмонлару Ердаги барча нарсалар яратилиш жиҳатидан ҳам, бошқарилиш жиҳатидан ҳам ягона Аллоҳнинг мулкидир. Охир-оқибат барча махлукот фақат Унинг ҳузурига қайтгай ва У ҳар кимга ўзи лойик бўлган жазо-мукофотларни бергай.

كُنْتُمْ خَيْرَ أُمَّةٍ أَخْرَجْتُ لِلنَّاسِ تَأْمِنُونَ بِالْمَغْرُوفِ وَتَنْهَوْنَ عَنِ الْمُنْكَرِ وَتُؤْمِنُونَ بِاللَّهِ وَلَنْ يَأْمَنَ أَهْلُ الْكِتَابِ لَكَانَ خَيْرًا لَهُمْ مِنْهُمُ الْمُؤْمِنُونَ وَأَكْثَرُهُمُ الْفَاسِقُونَ (١١٠)

‘ ۱۱۰. Сизлар — эй Мұхаммад уммати — энг яхши уммат ва одамларга энг кўп манфаат етказувчи инсонларсиз. Зоро, маъруфга — яхши иш экани шаръан

ва ақлан билинган нарсага —
буюрасиз, мункардан — ёмон иш
экани шаръан ва ақлан билинган
нарсадан — қайтарасиз, Аллоҳга
иймон келтириб, буни амалларингиз
билан исбот қиласиз. Агар аҳли
китоб бўлмиш яҳуд ва насоро ҳам
Муҳаммад соллаллоҳу алайҳи ва
салламга ва у Аллоҳ ҳузуридан олиб
келган нарсага худди сизлардек
иймон келтирганда эди, ўзлари учун
дунёда ҳам, охиратда ҳам яхши
бўларди. Улар ичida Муҳаммад
соллаллоҳу алайҳи ва салламнинг
рисолатини тасдиқ этувчи ва унга
амал қилувчи мўминлари ҳам бор,
лекин улар озчиликдир. Кўплари эса
Аллоҳнинг дини ва тоатидан
чиқувчи фосиқ кимсалардир.

لَنْ يَضْرُوْكُمْ إِلَّا أَدَىٰ وَإِنْ يُقَاتِلُوكُمْ يُؤْلُوْكُمُ الْأَدْبَارُ ثُمَّ لَا يُصْرُوْنَ (١١١)

۱۱۱. Аҳли китобдан бўлган у фосиклар қулоғингизга озор берувчи ширкона ва куфронадан сўзлардан бошқа бирон нарса билан сизларга ҳаргиз зиён етказа олмайдилар. Сизларга қарши урушга кирсалар, мағлуб бўлиб, ортларига қочадилар. Шундан сўнг уларга сизларниң устингиздан нусрат-ёрдам берилмайди.

صُرِبَتْ عَلَيْهِمُ الدَّلَلُ أَئِنَّ مَا تُفْعِلُوا إِلَّا بَحْبُلٌ مِّنْ النَّاسِ وَبَأْغُوْا بِغَضَبٍ مِّنْ اللَّهِ
وَصُرِبَتْ عَلَيْهِمُ الْمَسْكَنَةُ ذَلِكَ بِأَنَّهُمْ كَانُوا يَكْفُرُونَ بِإِيمَانِ اللَّهِ وَيُقْتَلُونَ الْأَنْبِيَاءَ بِغَيْرِ حَقٍّ ذَلِكَ بِمَا
عَصَوْا وَكَانُوا يَعْنِدُونَ (١١٢)

۱۱۲. Аллоҳ таоло хорлик ва тубанликни яҳудлардан асло ажралмайдиган, доим улар билан бирга қилиб қўйди. Улар қаерда бўлмасинлар, хор ва ҳақирдирлар,

фақат Аллоҳдан ва одамлардан олган аҳдлари билангина жону молларини омонда олиб юришади. Бу аҳд эса улар учун зиммийлик мақоми берилиши ва улар устидан Ислом ҳукмлари юритилиши аҳдиdir. Улар ҳақли равишда Аллоҳнинг ғазабига дучор бўлдилар ва уларга хор-зорлик ва бечораҳоллик битиб қўйилди. Шу боис яхудий кимса борки, доим мўминлардан қўркув ва ҳадикда юришини кўрасиз. Бу хорликни Аллоҳга коғир бўлганлари, Унинг ҳад-худудларига тажовуз қилганлари ва пайғамбарларни зулму тажовуз билан ўлдирғанлари сабабли Аллоҳ уларга битиб қўйгандир. Гуноҳу маъсиятларга

ботиб қолишлари ва Аллоҳнинг ҳад-
худудларига тажовуз
қилишларигина уларни бу
қилмишларга журъатлантириди.

لَيُسْوَا سَوَاءٌ مِّنْ أَهْلِ الْكِتَابِ أُمَّةٌ قَائِمَةٌ يَتَلَوَّنَ آيَاتِ اللَّهِ آتَاهُ اللَّذِينَ وَهُمْ يَسْجُدُونَ (١١٣)

۱۱۳. Аҳли китобнинг ҳаммаси ҳам
бир хил эмас. Улар ичида
Аллоҳнинг амру фармонларини
бажо келтирувчи, Унинг пайғамбари
Муҳаммад соллаллоҳу алайҳи ва
салламга иймон келтирган бир
жамоа ҳам борки, улар кечаларда
Куръон оятларини тиловат қилиб,
намозларида Аллоҳга муножот
қилиб турадилар.

يُؤْمِنُونَ بِاللَّهِ وَالْيَوْمِ الْآخِرِ وَيَأْمُرُونَ بِالْمَعْرُوفِ وَيَنْهَوْنَ عَنِ الْمُنْكَرِ وَيُسَارِعُونَ فِي الْخَيْرَاتِ
وَأُولَئِكَ مِنَ الصَّالِحِينَ (١١٤)

۱۱۴. Улар Аллоҳга ва охират кунига иймон келтира-дилар, тамомий яхшиликларга буюрадилар ва тамомий ёмонликлардан қайтарадилар, ўзлари ҳам доим яхши ишлар қилишга ошиқадилар. Ана ўшалар Аллоҳнинг солих бандаларидандир.

وَمَا يَفْعُلُوا مِنْ خَيْرٍ فَلَنْ يُكَفَّرُوهُ وَاللَّهُ عَلِيمٌ بِالْمُتَّقِينَ (۱۱۵)

۱۱۵. Иймон келтирган ушбу жамоанинг озми-кўпми, қилган ҳар қандай яхши амали Аллоҳ ҳузурида ҳаргиз зое бўлмайди, улар албатта амалларининг мукофотларини олишади. Аллоҳ Унинг розилигини истаб ва Ундан ажру савоб талаб қилиб, яхши амаллар қиласиган ва ҳаром ишлардан четланадиган

тақвадор зотларни яхши
биливчиdir.

إِنَّ الَّذِينَ كَفَرُوا لَنْ تُغْنِيَ عَنْهُمْ أَمْوَالُهُمْ وَلَا أُولَادُهُمْ مِنْ اللَّهِ شَيْئًا وَأُولَئِكَ أَصْحَابُ النَّارِ هُمْ فِيهَا خَالِدُونَ (١١٦)

۱۱۶. Аллоҳнинг оятларига кофир бўлган ва Унинг пайғамбарларини ёлғончи санаган кимсаларнинг на мол-дунёлари ва на бола-чақалари Аллоҳнинг дунё-ю охират-даги азобидан бирон нарсани асло қайтара олмайди. Ана ўшалар дўзах эгалари бўлиб, унда абадий қоладилар.

مَثَلُ مَا يُنَفِّقُونَ فِي هَذِهِ الْخَيَّةِ الدُّنْيَا كَمَثَلٍ رِبِيعٍ فِيهَا صِرْ أَصَابَتْ حَرْثَ قَوْمٍ ظَلَمُوا أَنفُسَهُمْ فَأَهْلَكُتْهُ وَمَا ظَلَمُهُمُ اللَّهُ وَلِكُنْ أَنفُسُهُمْ يَظْلِمُونَ (١١٧)

۱۱۷. Кофирларнинг бу дунё ҳаётида яхшилик йўлла-рига пул-мол сарфлаб, унинг савобини умид

қилишлари мисоли бир қавмнинг яхши ҳосил умид қилиб турган экинини уриб, ҳалок қилган кучли совуқ шамолга ўхшайдики, гуноҳлари сабабли шамол ундан бирон нарсани қолдирмади. У кофирлар ҳам охиратда ҳеч қандай савоб топмайдилар. Бу билан Аллоҳ уларга зулм қилмади, балки улар куфру исёнлари сабабли ўзларига ўзлари зулм қилишди.

يَا أَيُّهَا الَّذِينَ آمَنُوا لَا تَنْجُحُوا بِطَائِةً مِنْ دُونِكُمْ لَا يَأْلُو نَكْمُ خَيَالًا وَدُؤَا مَا عَنِتُّمْ قَدْ بَدَثَ الْبَعْضَاءُ مِنْ أَفْوَاهُهُمْ وَمَا تُخْفِي صُدُورُهُمْ أَكْبَرُ قَدْ بَيَّنَ لِكُمُ الآيَاتِ إِنْ كُنْتُمْ شَقِيقُونَ (١١٨)

118. Эй Аллоҳ ва Расулига иймон келтирган ва Аллоҳнинг шариатига амал қилувчи кишилар, сизлар мўминларни қўйиб, кофирларни сирдош дўст тутмангиз! У кофирлар

сизларни ёмон аҳволга солиш йўлида бор кучларини аяшмайди ва сизларга етган ҳар қандай заар ва ёмонликдан хурсанд бўлишади.

Сизларни қаттиқ ёмон кўришлари оғизларидан чиқаётган сўзларида ошкор бўлди, дилларида яширинган адоват ундан-да кучлироқ ва каттароқдир. Агар сизлар ақлингизни ишлатиб, Аллоҳнинг панд-насиҳатлари, буйруқ ва қайтариқларини яхши англасангиз, Биз сизларга панд-насиҳат олишингиз ва эҳтиёт бўлишингиз учун далил ва ҳужжатларни баён қилдик.

هَا أَنْتُمْ أُولَاءِ تُجْبِونَهُمْ وَلَا يُجْبِونَكُمْ وَلَوْ مُنْوَنَ بِالْكِتَابِ كُلِّهِ وَإِذَا لَفُوْكُمْ قَالُوا آمَنَّا وَإِذَا خَلَوْا عَضُوا عَلَيْكُمُ الْأَنَامُ مِنْ الْغَيْظِ فَلَمْ يُؤْثِرُوكُمْ إِنَّ اللَّهَ عَلِيمٌ بِذَاتِ الصُّنُورِ (١١٩)

۱۱۹. Уларга муҳаббат қўйишингиз хато эканига далил шудир: сизлар уларни яхши кўрасиз ва уларга яхшилик истайсиз, улар эса сизларни ёқтирмайдилар, дилларида сизларга нисбатан буғзу адоватлари бор. Сизлар барча самовий китобларга, шу жумладан уларнинг китобларига ҳам иймон келтирасиз, улар эса сизларнинг китобингизга иймон келтиришмайди. Бас, қандай уларни яхши кўрасиз-лар?! Сизларга йўлиққанларида мунофиқлик билан: «Биз ҳам иймон келтирдик ва тасдиқладик», дейишади. Бир-бирлари билан ёлғиз қолганларида эса уларни ғамгинлик ва хафалик олади, мусулмонларнинг ўзаро аҳил-иноқлик-ларини ва диллари

бир-бирига пайванд эканини,
 Ислом-нинг азизланиб, ўзларининг
 хорланишаётганини кўриб, ғазаб ва
 нафратдан бармоқларини
 тишлашади. Эй Пайғамбар, **сиз**
уларга: «Шу ғазаб ва
 нафратларингиз билан ўлиб
 кетинглар!», деб айтинг. Албатта,
 Аллоҳ таоло дилларда яширин
 бўлган сирларни билувчи Зотдир, У
 ҳар кимга қилган яхши ва ёмон
 ишларига яраша жазо ва
 мукофотини беради.

إِنَّمَا سُكُونَ حَسَنَةٌ تَسْوُهُمْ وَإِنْ ثُبِّكُمْ سَيِّئَةٌ يَفْرُحُوا بِهَا وَإِنْ تَصْبِرُوا وَتَتَّقُوا لَا يَخْرُجُكُمْ كَيْنُونُهُمْ
 سَيِّئًا إِنَّ اللَّهَ بِمَا يَعْمَلُونَ مُحِيطٌ (١٢٠)

۱۲۰. Уларнинг адовати шу
 даражадаки, сизларга — эй
 мўминлар — ғалаба, ўлжага

эришиш каби бирор яхшилик келса, уларни ғам-андух ва мусибат чулғаб олади. Аммо, бошингизга мағлубият, молу жон ва экинтикинга талофот етиш каби бирон ёқимсиз иш тушса, улар бундан чексиз хурсанд бўлишади.

Бошингизга тушган ишларга сабр қилсангиз ва Аллоҳдан У буюрган ва қайтарган ишларда такво қилсангиз, уларнинг макрларидан етаётган озорлар сизлар учун зарарли эмасдир. Аллоҳ у кофир кимсаларнинг барча қилмишларидан хабардор ва уларнинг жамики фасод ишларини ихота қилувчи Зотдир, У албатта уларга қилмишларига яраша жазоларини беради.

وَإِذْ عَدَوْتَ مِنْ أَهْلَكَ ثُبُورٍ الْمُؤْمِنِينَ مَقَاعِدَ لِلْقِتَالِ وَاللَّهُ سَمِيعٌ عَلَيْهِ (١٢١)

۱۲۱. Эй Пайғамбар, эгнингизга уруш анжомини кийган ҳолда уйингиздан чиқиб, асҳобларингиз сафларини тартиб-га келтираётган ва Уҳуд жангида душманга тўқнашишлари учун уларнинг хар бирини ўз ўрнига қўяётган соатингизни эсга олинг. Аллоҳ сўзларингизни эшитувчи ва ишларингиз-ни билувчи Зотдир.

إِذْ هَمَّ طَائِفَةٌ مِّنْكُمْ أَنْ تَقْسِلَا وَاللَّهُ وَلِيُّهُمَا وَعَلَى اللَّهِ فَلَيَتَوَكَّلْنَ الْمُؤْمِنُونَ (١٢٢)

۱۲۲. Эй Пайғамбар, Бану Салама ва Бану Ҳориса қабилаларидан содир бўлган ишни эсланг, улар душманга йўлиқишдан кўрқиб, раислари муноғиқ Абдуллоҳ ибн Убайга қўшилиб, ортга қайтиб кетиш

ҳақида ўйлаб қолишганди. Бирок, Аллоҳ уларни сақлади ва бундай ножӯя ишга қадам қўйишдан асраб қолди, шундан сўнг улар Аллоҳга таваккул қилиб, сиз билан бирга юришда давом этишди. Мўминлар Аллоҳнинг Ўзигагина таваккул қилсинлар!

وَأَنْذَلْنَاكُم مِّنَ السَّمَاءِ الْمُبَارَكَاتِ وَأَنْشَأْنَاكُم مِّنَ الْأَرْضِ مَا يَرَوْنَ (۱۲۳)

۱۲۳. Эй мўминлар, Бадр жангидаги сонингиз ва уруш ҳозирлигингиз кам бўлишига қарамай, Аллоҳ сизларга мушрик душманларингиз устидан ғалаба берди. Бас, буйруқларини адо этиш ва қайтариқларидан тийилиш билан Аллоҳдан қўрқинглар! Шояд, Унинг

нөъматлари шукрини адо этсангизлар!

إِذْ تَقُولُ لِلْمُؤْمِنِينَ أَلَّا يُكْفِيْهُمْ أَنْ يُمْدَدُهُمْ رَبُّهُمْ بِثَلَاثَةِ آلَافٍ مِنْ الْمَلَائِكَةِ مُنْزَلِيْنَ (١٢٤)

۱۲۴. Эсланг эй Пайғамбар, Бадрда мушрикларга мадад етиб келганда бу нарса саҳобаларингизни жуда қийин аҳволга тушириб қўйган эди, ўшанда Биз сизга ваҳий тушириб, уларга мана бундай деб айтишингизни буюрдик: «Роббингиз уч минг фариштани сизларни қўллаб-куватлаш ва сизлар билан бирга жанг қилиш учун самодан жанг майдонига тушириш билан мадад кўрсатгани сизлар учун кифоя қилмайдими?!»

بَلَى إِنْ تَصْنِيْرُوا وَتَنْتَقُوا وَيُأْتُوكُمْ مِنْ فَوْرَهُمْ هَذَا يُمْدَنُكُمْ رَبُّكُمْ بِخَمْسَةِ آلَافٍ مِنْ الْمَلَائِكَةِ مُسَوَّمِيْنَ (١٢٥)

۱۲۰. Йўқ, бу мадад сизларга албатта кифоя қиласи! Сизларга яна бир башорат борки, агар душман билан тўқнашганда сабр-бардошли бўлсангиз ва Аллоҳдан буйруқларини қилиш ва қайтариқларидан тийилиш билан тақво қилсангиз ва Макка мушриклари ўша он сизларни қириб ташлаш мақсадида устингизга шиддат билан ёпирилсалар, Аллоҳ таоло сизларга белгили — яъни, ўзларини ва отларини аниқ-тиниқ белгилар билан белгили қилиб олган — беш мингта фаришта билан мадад бергай.

وَمَا جَعَلَهُ اللَّهُ إِلَّا بُشَرَى لَكُمْ وَلِتَطْمَئِنَّ فَلَوْبُكُمْ بِهِ وَمَا النَّصْرُ إِلَّا مِنْ عِنْدِ اللَّهِ الْعَزِيزِ الْحَكِيمِ
(۱۲۶)

۱۲۶. Аллоҳ таоло фаришталар билан қилган ушбу мададни сизларга факат дилларингизга шодлик киритадиган ва қалбларингизга таскин бахш этадиган хушхабар бўлиши учунгина қилди. Зотан, ғалаба факат ҳеч ким бас келолмайдиган қудратли ҳамда Ўз тадбир ва феълларида ҳикмат соҳиби бўлган Аллоҳ ҳузуридандир.

لِيُطْعَمُ طَرَفَاً مِنْ الَّذِينَ كَفَرُوا أَوْ يَكِنْتُمْ فِيئُقْبَلُوا حَانِبِينَ (۱۲۷)

۱۲۷. Аллоҳ таолонинг сизларга Бадрда берган ғалабаси кофирлардан бир гурухи қатл қилиниб, ҳалок бўлиши учун, ўлимдан қутулиб қолганлари эса ғам-ғуссага ботиб, хор ва шарманда

ҳолда, ҳасрат билан қайтишлари учун эди.

لَيْسَ لَكَ مِنَ الْأَمْرِ شَيْءٌ أَوْ يَتُوبَ عَلَيْهِمْ أَوْ يُعَذِّبَهُمْ فَإِنَّهُمْ طَالِمُونَ (١٢٨)

‘128. Эй Пайғамбар, бандаларнинг ишларидан бирон нарса сизнинг ихтиёриңгизда эмас, балки барча ишлар ягона ва шериксиз Аллоҳ таолоникидир. Шояд, сизга қарши урушган айрим кишиларнинг диллари очилиб, Исломни қабул қилишар ва Аллоҳ уларнинг тавбаларини қабул қилас. Кофир ҳолда қолганларини эса Аллоҳ зулму тажовузлари сабабли дунё ва охиратда азоблагай.

وَلَلَّهِ مَا فِي السَّمَاوَاتِ وَمَا فِي الْأَرْضِ يَغْفِرُ لِمَنْ يَشَاءُ وَيُعَذِّبُ مَنْ يَشَاءُ وَاللَّهُ غَفُورٌ رَّحِيمٌ (١٢٩)

۱۲۹. Осмонлару Ердаги барча нарсалар ягона Аллоҳ-никидир. У истаган бандасини Ўз раҳмати билан мағфират қиласи, истаган бандасини эса Ўз адли билан азоблайди. Аллоҳ бандаларининг гуноҳларини кечирувчи ва уларга меҳрибон Зотдир.

بَأَيْمَانِهَا الَّذِينَ آمَنُوا لَا تَأْكُلُوا الرَّبَّا أَضْعَافًا مُضَاعَفَةً وَأَنْقُوا اللَّهَ لَعْنَكُمْ ثُفِّلُخُونَ (۱۳۰)

۱۳۰. Эй Аллоҳ ва Расулини тасдиқловчи ва Аллоҳнинг шариатига амал қилувчи кишилар, судхўрликнинг барча турларидан ҳазир бўлинглар, қарз муомаласи қилганин-гизда дастмоянгиз (**яъни, берган пулингиз**) устига оз бўлсада қўшимча фоиз олманглар! Шундок экан, қарзни ўташ вақти

яңгилангани сари қўшимча фоизи
ҳам ошиб боравериши қандай
дуруст бўлсин?! Дунё-ю охиратда
нажот топишингиз учун Аллоҳнинг
шариатига амал қилиш билан Ундан
тақво қилинглар!

وَأَنْهُوا النَّارَ الَّتِي أُعِدَّتْ لِلْكَافِرِينَ (١٣١)

‘۱۳۱. Кофирлар учун ҳозирлаб
қўйилган дўзах ўти билан ўз
орангизга тўсиқ ҳозирлаб олинглар!

وَأَطِيعُوا اللَّهَ وَالرَّسُولَ لَعَلَّكُمْ تُرْحَمُونَ (١٣٢)

‘۱۳۲. Эй мўминлар, Аллоҳнинг
раҳматига эришиш ва азобидан
сақланиш учун Аллоҳга У буюрган
тоатларда ва қайтарган судхўрлик ва
бошқа ишларда итоат қилинглар ва
Пайғамбарга итоат қилинглар!

وَسَارُوا إِلَى مَغْفِرَةٍ مِنْ رَبِّكُمْ وَجَاءُهُ عَرْضُهَا السَّمَوَاتُ وَالْأَرْضُ أُعِدَتْ لِلْمُنْقَيْنَ (١٣٣)

۱۳۳. Роббингизнинг мағфиратини ва кенглиги осмон-лару ерча бўлган, тақводор зотлар учун ҳозирлаб қўйган бепоён жаннатини қўлга киритиш учун Аллоҳ ва Расулига итоатингиз билан шошилингиз!

الَّذِينَ يُنْفِقُونَ فِي السَّرَّاءِ وَالضَّرَّاءِ وَالْكَاظِمِينَ الْغَيْظَ وَالْعَافِينَ عَنِ النَّاسِ وَاللَّهُ يُحِبُّ الْمُحْسِنِينَ (۱۳۴)

۱۳۴. У тақводор зотлар молларини енгилу оғир кунларда инфок-эҳсон қиласидиган, сабр-бардош билан ғазабларини ичга ютадиган, ўзларига зулм қиласидиган кимсаларни ўчилишга қодир бўла туриб кечириб юборадиган кишилардир. Мана шу эҳсондир ва Аллоҳ ана шундай эҳсон соҳибларини яхши кўради.

وَالَّذِينَ إِذَا فَعَلُوا فَاجْحَشَةً أَوْ ظَلَمُوا أَنفُسَهُمْ ذَكَرُوا اللَّهَ فَاسْتَغْفِرُوا لِذُنُوبِهِمْ وَمَنْ يَغْفِرُ الذُّنُوبَ إِلَّا اللَّهُ
وَلَمْ يُصِرُّوا عَلَىٰ مَا فَعَلُوا وَهُمْ يَعْلَمُونَ (١٣٥)

‘135. Яна улар бирон катта гуноҳ қилиб қўйсалар ёки кичикроқ гуноҳлар билан ўзларига зулм қилсалар, Аллоҳнинг ваъда ва қўрқитувларини эсга олиб, тавбатазарру билан Роббилиариға илтижо қиладиган, гуноҳларни факат Аллоҳгина кечиришига аник ишонган ҳолда Ундан гуноҳларини кечиришини сўрайдиган кишилардир. Шунинг учун улар агар тавба қилсалар Аллоҳ албатта уларнинг тавбаларини қабул қилишини билган ҳолларида гуноҳу маъсиятда давом этмайдилар.

أَولَئِكَ جَزَاؤُهُمْ مَغْفِرَةٌ مِّنْ رَبِّهِمْ وَجَنَّاتٌ تَجْرِي مِنْ تَحْتِهَا الْأَنْهَارُ خَالِدِينَ فِيهَا وَنِعْمَ أَخْرُ الْعَالَمِينَ
(١٣٦)

۱۳۶. Шундай улуғ сифатлар билан сифатланган у зотларнинг мукофотлари Аллоҳ уларнинг гуноҳларини кечириши ва улар учун дарахтлари ва қасрлари остидан ширин сувли анҳорлар оқиб турадиган, улар абадий қоладиган ва асло ундан чиқарилмайдиган жаннатлар бўлишидир. Гуноҳлар кечирилиши ва жаннатга дохил бўлиш яхши амал қилувчи зотлар учун нақадар яхши мукофотдир!

قَدْ خَلَتْ مِنْ قَبْلِكُمْ سُنَّةُ فَسَيِّرُوا فِي الْأَرْضِ فَانظُرُوا كَيْفَ كَانَ عَاقِبَةُ الْمُكَذِّبِينَ (۱۳۷)

۱۳۷. Аллоҳ таоло Уҳуд жанги куни мусибатга дучор бўлган мўминларга таъзия ва тасалли бериб, хитоб қиласидики, сизлардан илгари ҳам умматлар ўтган, уларнинг

мўминлари ҳам кофирларига қарши урушларда мусибатга учраган ва оқибат улар фойдасига бўлган. Бас, сизлар ҳам Ер юзини кезиб, Аллоҳни ва пайғамбарларини ёлғончи қилган кимсаларнинг етиб борган оқибатларидан ибрат олинглар!

هَذَا بَيَانٌ لِلنَّاسِ وَهُدًى وَمُؤْعِظَةٌ لِلْمُتَّقِينَ (١٣٨)

‘۱۳۸. Бу Куръон одамлар учун ҳақни баён қилиш, тўғри йўлга йўллаш ва Аллоҳдан қўрқадиган тақводор кишиларнинг диллари унга мойил бўладиган эслатмадир. Эслатманинг тақводорларга хосланиши ундан фақат ўшаларгина фойда олганлари учундир.

وَلَا تَهُنُوا وَلَا تَحْرَنُوا وَأَنْتُمُ الْأَغْنُونَ إِنْ كُنْتُمْ مُؤْمِنِينَ (١٣٩)

۱۳۹. Эй мўминлар,
душманларингизга қарши жанг
қилишдан сустлашмангиз ва Ухудда
етган мусибат сабабли ғамгин
бўлмангиз! Аллоҳ ва Расулини
тасдиқ этувчи ва Аллоҳнинг
шариатига амал қилувчи экансизлар,
сизлар ғолибсиз ва оқибат
сизларнинг фойдангизга бўлгай!

إِنْ يَمْسِسُكُمْ قَرْحٌ فَقَدْ مَسَّ الْقَوْمَ قَرْحٌ مِثْلُهُ وَتُلَكَ الْأَيَّامُ تُذَاوِلُهَا بَيْنَ النَّاسِ وَلِيَعْلَمَ اللَّهُ أَذْدِينَ آمُّنُوا
وَتَرَخَّدَ مِنْكُمْ شُهَدَاءُ وَاللَّهُ لَا يُحِبُّ الظَّالِمِينَ (۱۴۰)

۱۴۰. Эй мўминлар, агар сизларга
Уҳуд жангида жароҳатланиш ва
ўлдирилиш мусибати етиб, шунинг
учун ғамга тушган бўлсангизлар,
бундан олдин Бадр жангида
мушрикларга ҳам айни шундай
жароҳатланиш ва ўлдирилиш

мусибати етган. Аллоҳ таоло бундай кунларни — остида ҳикматлар борлиги учун — гоҳо ғалаба, гоҳо мағлубият тарзида одамлар ўртасида айлантириб туради. Аллоҳ таоло Ўзи азалда билган нарсани изҳор қилиш ва чин мўминларни бошқалардан ажратиб кўрсатиш учун ҳамда ичларингиздан баъзи қавмларни шаҳидлик неъмати билан иззат-икром қилиш учун шундай қилади. Аллоҳ Унинг йўлида жанг қилишдан четланиб, ўз жонларига зулм қилган кимсаларни ёқтирмайди.

وَلِيَمْحَصَنَ اللَّهُ الَّذِينَ آمَنُوا وَيَمْحَقَ الْكَافِرِينَ (٤١)

‘41. Уҳудда содир бўлган бу мағлубият мўминлар учун ҳақиқий

синов ва тозалаш, уларни
мунофиқлардан халос қилиш ва
кофирлар учун ҳалокат бўлди.

أَمْ حَسِبْتُمْ أَنْ تَدْخُلُوا الْجَنَّةَ وَلَمَا يَعْلَمُ اللَّهُ الَّذِينَ جَاهَدُوا مِنْكُمْ وَيَعْلَمُ الصَّابِرِينَ (١٤٢)

‘ ۱۴۲. Эй Муҳаммад соллаллоҳу
алайҳи ва саллам асҳоби, сизлар
уруш ва машаққатлар билан
синалмасдан туриб жаннатга
кирамиз, деб гумон қилдингизми?!
То синовларга дучор
бўлмагуningизча ва Аллоҳ
ичларингиз-дан Ўз йўлида жиҳод
қилувчиларни ва душман билан
тўқнашганда сабр-матонат билан
турувчиларни одамларга ҳам ошкор
бўладиган тарзда билмагунича
сизларга жаннатга кириш насиб
бўлмайди.

وَلَقَدْ كُنْتُمْ تَتَمَّوْنَ الْمَوْتَ مِنْ قَبْلِ أَنْ تُلْقَوْهُ فَقَدْ رَأَيْتُمُوهُ وَأَنْتُمْ تَنْظَرُونَ (١٤٣)

۱۴۳. Эй мўминлар, Уҳуд жангидан олдин сизлар жиҳод қилиш ҳамда биродарларингиз Бадр жангига эришган Аллоҳ йўлида шаҳид бўлиш шарафига ноил бўлиш учун душман билан тўқнашувни орзу қилаётган эдинглар. Мана, ўзингиз орзу қилган ва талаб қилган иш олдингизда турибди. Қани, келинглар энди, уришга киринглар ва матонат кўрсатинглар!

وَمَا مُحَمَّدٌ إِلَّا رَسُولٌ قَدْ خَلَتْ مِنْ قَبْلِهِ الرُّسُلُ أَفَإِنْ مَاتَ أَوْ قُتِلَ افْلَمْتُمْ عَلَى أَعْفَالِكُمْ وَمَنْ يَنْقَلِبْ عَلَى عَيْنِيهِ فَلَنْ يَضُرَّ اللَّهُ شَيْئًا وَسَيَجُزِيَ اللَّهُ الشَّاكِرِينَ (١٤٤)

۱۴۴. Муҳаммад (соллаллоҳу алайҳи ва саллам) ўзидан илгариги пайғамбарлар каби Роббининг рисолатини етказувчи бир

пайғамбар, холос. Агар у ажали етиб вафот қилса ёки душманлар овоза қилганидек ўлдирилса, сизлар динингиздан қайтиб кетасизми ва пайғамбарингиз олиб келган йўлни тарқ қиласизми?! Сизлардан кимдаким динидан қайтса, у Аллоҳга ҳеч қандай зарап етказолмайди, балки фақат ўзигагина катта зарап етказади. Энди, ким иймонда событ турса ва Парвардигорига Ислом неъмати-нинг шукрини адо этса, албатта, Аллоҳ таоло уни гўзал мукофотлар билан мукофотлайди.

وَمَا كَانَ لِنَفْسٍ أَنْ تَمُوتَ إِلَّا بِإِذْنِ اللَّهِ كِتَابًاً مُؤْجَلًاً وَمَنْ يُرِدْ نُوَابَ الدُّنْيَا نُوَابَهُ مِنْهَا وَمَنْ يُرِدْ نُوَابَ الْآخِرَةِ نُوَابَهُ مِنْهَا وَسَنَجْزِي السَّاكِرِينَ (١٤٥)

‘ ۱۴۵ . Ҳеч ким Аллоҳнинг изни ва қазоси етмай ва Аллоҳ унинг

такдирига битиб қўйган мухлатни тўла қилмай туриб, асло ўлмагай. Ким қилган амали билан дунё матосини истаса, Биз унга Ўзимиз тақсим қилиб қўйган ризқни берамиз, охиратда эса унга ҳеч қандай улуш бўлмас. Ким қилган амали билан охиратда Аллоҳ ҳузуридан ажру мукофот истаса, Биз унга ўзи истаган нарсани берамиз ва дунёда ўзига тақсим қилиб қўйилган ризқни олиши билан бирга мукофотини тўла қилиб берамиз. Зотан, у ўз тоат-ибодати ва жиҳоди билан Бизга шукр қилди, Биз шукр қилувчиларни яхши мукофотлар билан мукофотлаймиз.

وَكَأَيْنِ مِنْ نَبِيٍّ قَاتَلَ مَعَهُ رِبِّيُّونَ كَثِيرٌ فَمَا وَهَنُوا لِمَا أَصَابَهُمْ فِي سَبِيلِ اللَّهِ وَمَا ضَعَفُوا وَمَا
اسْتَكَانُوا وَاللَّهُ يُحِبُّ الصَّابِرِينَ (١٤٦)

۱۴۶. Кўп пайғамбарлар ўтганки, издошларидан бўлган кўплаб жамоалар улар билан биргаликда жанг қилганлар. Улар ўзларига етган жароҳатлар ва ўлимлардан — бу уларга Аллоҳ йўлида етгани боис — заифлашмадилар, ожизланиб қолмадилар, душманларига бўйин эгмадилар. Балки, бошларига тушган барча кўргуликларга сабр қилдилар. Аллоҳ сабр қилувчиларни яхши кўради.

وَمَا كَانَ قَوْلُهُمْ إِلَّا أَنْ قَالُوا رَبَّنَا اعْفُرْ لَنَا دُنُوبَنَا وَإِسْرَافَنَا فِي أَمْرَنَا وَتَبَّتْ أَقْدَامَنَا وَأَنْصُرْنَا عَلَى الْقَوْمِ الْكَافِرِينَ (۱۴۷)

۱۴۷. Ўша сабр қилувчи зотларнинг сўзлари факат шундай бўлганди: «Эй Роббимиз, бизнинг гуноҳларимизни ва динимиз ишида

биздан содир бўлган ҳаддан
ошишларни Ўзинг кечиргин,
душманга қарши жангта
кирганимизда қадамларимизни
собит қилгин, Сени ва
пайғамбарларингни инкор қилган
кимсалар устидан бизга ғалаба
бергин».

فَآتَاهُمُ اللَّهُ تَوَابَ الدُّنْيَا وَحُسْنَ تَوَابٍ الْآخِرَةِ وَاللَّهُ يُحِبُّ الْمُحْسِنِينَ (٤٨)

‘48. Аллоҳ таоло у собир зотларга дунёда душманлари устидан ғолиб қилиш мукофотини, охиратда эса энг яхши мукофотни — ноз-неъматларга тўла жаннатларни ато этди. Аллоҳ таоло Парвардигорига бўлган ибодатини ва халқларга бўлган муомаласини чиройли

қилувчи ҳар бир кишини яхши
кўради.

يَا أَيُّهَا الَّذِينَ آمَنُوا إِنْ تُطِيعُوا الَّذِينَ كَفَرُوا يَرْدُوُكُمْ عَلَىٰ أَعْقَابِكُمْ فَتَنْقِلُوَا خَاسِرِينَ (۱۴۹)

۱۴۹. Эй Аллоҳ ва Расулини тасдиқловчи ва Унинг шариатига амал қилувчи кишилар! Агар сизлар Менинг ҳақ илоҳ эканимни инкор қиласидиган ва Менинг пайғамбарларимга иймон келтирмайдиган яхуд, насоро, мунофиқ ва мушрикларга улар буюрган ва қайтарган ишларда итоат қилсангизлар, улар сизларни ҳақ йўлдан адаштириб юборишади ва сизлар динингиздан қайтиб, муртад бўлиб қоласизлар. Натижада, сизлар очиқ зиён ва аниқ ҳалокатга гирифтор бўласизлар.

بِلَّهُ أَلَّهُ مَوْلَأُكُمْ وَهُوَ خَيْرُ النَّاصِرِينَ (١٥٠)

150. Улар сизларга асло ёрдам бера олмайдилар, балки Аллоҳ сизнинг ёрдамчингиздир. У энг яхши ёрдамчиидирки, У билан бирга бошқа ҳеч қандай ёрдамчига эҳтиёж бўлмайди.

سَنَقِي فِي قُلُوبِ الَّذِينَ كَفَرُوا الرُّغْبَ بِمَا أَشْرَكُوا بِاللَّهِ مَا لَمْ يُنَزِّلْ بِهِ سُلْطَانًا وَمَا وَاهِمُ النَّارُ وَبِئْسَ مَثْوَى الظَّالِمِينَ (١٥١)

151. Аллоҳ билан бирга ибодат қилинишга лойик эканлигига ҳеч қандай далил ва ҳужжат бўлмаган сохта олиҳаларни Аллоҳга шерик қилганлари сабабли кофир-ларнинг қалбларига қўрқув солиб қўямиз. Уларнинг бу дунёдаги ҳолатлари қўрқув ва мўминлардан доимо ҳадиксираш ҳолати бўлади.

Охиратда қарор топадиган жойлари
эса дўзахдир. Бу эса зулм ва
тажовузлари сабаблидир.
Золимларнинг борар жойлари
нақадар ёмондир!

وَلَقَدْ صَدَقُوكُمُ اللَّهُ وَرَعْدُهُ إِذْ تُحْسِنُونَهُمْ بِإِذْنِهِ حَتَّىٰ إِذَا فَشَلْتُمْ وَتَتَازَّ عُنُمْ فِي الْأَمْرِ
وَعَصَيْتُمْ مِنْ بَعْدِ مَا أَرَكُمْ مَا تُحِبُّونَ مِنْكُمْ مَنْ يُرِيدُ الدُّنْيَا وَمِنْكُمْ مَنْ يُرِيدُ الْآخِرَةَ ثُمَّ صَرَفْتُمْ
عَنْهُمْ لِيَتَّلِكُمْ وَلَقَدْ عَفَّ عَنْكُمْ وَاللَّهُ ذُو فَضْلٍ عَلَى الْمُؤْمِنِينَ (١٥٢)

152. Уҳуд жангиди Аллоҳнинг изни билан кофирларни қира бошлаган пайтингизда Аллоҳ сизларга ваъда қилган ғалабани рӯёбга чиқариб берди. Қачонки сизлар қўрқоқлик қилиб, урушдан заифлашган ва ўз ўринларингизда қолиш ё ўлжа йиғаётганлар билан биргаликда ўлжа йиғиш учун у ўринни ташлаб кетиш тўғрисида талашиб-тортишган ва пайғамбарингизнинг

ҳар қандай ҳолатда ҳам ўрнингизни тарк қилмасликка бўлган буйруқларига осий бўлган эдингиз, Аллоҳ сизлар яхши кўрган ғалабани кўзингизга кўрсатиб қўйганидан сўнг сизларга мағлубият келди. Ичларингизда ўлжаларни истайдиган кишилар борлиги ҳам маълум бўлди, охиратни ва охиратдаги ажру савобларни истайдиган кишилар борлиги ҳам маълум бўлди. Шундан сўнг Аллоҳ таоло сизларни имтиҳон қилиш учун юзларингизни душмандан буриб қўйди. Энди Аллоҳ сизларнинг пушаймонлигинингизни ва тавбангизни билди ва сизларни афв қилди. Аллоҳ мўминларга улуғ фазлу марҳамат эгасидир.

إِذْ تُصْعِدُونَ وَلَا تُنْوِونَ عَلَىٰ أَحَدٍ وَالرَّسُولُ يَدْعُوكُمْ فِي أَحْرَارِكُمْ فَأَتَابُكُمْ عَمَّا بِعْنَمْ لِكِيلًا تَحْرَنُوا
عَلَىٰ مَا فَاتَكُمْ وَلَا مَا أَصَابَكُمْ وَاللَّهُ خَيْرٌ بِمَا تَعْمَلُونَ (١٥٣)

‘153. Эй Мұхаммад асҳоби, вужудингизни чулғаб олган даҳшат ва қаттиқ қўрқув туфайли ҳеч кимга қарамасдан, душманларингиздан қочиб, тоққа чиқиб кетаётган пайтдаги ҳолатингизни эсга олингиз! Пайғамбар соллаллоҳу алайҳи ва саллам майдонда туар, ортингиздан чорлаб: “Эй Аллоҳнинг бандалари, бу ерга келинг!” деб хитоб қиласы әди. Сизлар эса қулоқ солмас ва қарамас эдингиз. Кўлдан бой берилган ғалаба ва ўлжаларга, ҳамда бошингизга тушган хавф-хатар ва мағлубиятга маҳзун бўлмаслигинги учун Аллоҳ сизларга ғам-алам ва тангликни

жазо сифатида нозил қилди. Аллоҳ барча ишларингиздан хабардордир, Унга ҳеч бир иш махфий қолмайди.

لَمْ أُنْزِلْ عَلَيْكُمْ مِنْ بَعْدِ الْعَمَّةِ نَعَسْتِ طَائِفَةً مِنْكُمْ وَطَائِفَةً قَدْ أَهْمَنْتُمْ أَنْفُسَهُمْ يَظْلُمُونَ بِاللَّهِ
غَيْرَ الْحَقِّ ظَنَ الْجَاهِلِيَّةِ يَقُولُونَ هُلْ لَنَا مِنَ الْأَمْرِ مِنْ شَيْءٍ قُلْ إِنَّ الْأَمْرَ كُلُّهُ لِلَّهِ يُحِبُّونَ فِي
أَنْفُسِهِمْ مَا لَا يُبَدِّلُونَ لَكَ يَقُولُونَ لَوْ كَانَ لَنَا مِنَ الْأَمْرِ شَيْءٌ مَا قُتِلَّا هَاهُنَا قُلْ لَوْ كُنْتُمْ فِي بُيُوتِكُمْ
لَبَرَّ الَّذِينَ كُتِبَ عَلَيْهِمُ الْقُتْلُ إِلَى مَضَاجِعِهِمْ وَلَيَتَنْتَيَ اللَّهُ مَا فِي صُدُورِكُمْ وَلَيُمَحَّصَّنَ مَا فِي قُلُوبِكُمْ
وَاللَّهُ عَلِيمٌ بِذَاتِ الصُّدُورِ (١٥٤)

‘ ۱۵۴ . Сўнг чин ихлосли мўминларга раҳмат ўлароқ, Аллоҳ таоло уларнинг бошларига тушган бу ғамандухлардан кейин дилларига Аллоҳнинг ваъдасига бўлган ишонч ва хотиржамликни яна қайта туширди. Шунинг таъсирида улар орасидан ихлос ва иймон аҳли бўлган бир тоифани ором уйқуси ўраб олди. Иккинчи бир тоифага эса, ўз жонларини қуткариб қолиш ташвиши муҳим бўлди ва азму

қарорлари сустлашиб, ўзлари билан ўзлари бўлиб қолишиди. Роббилирига ва Унинг дини ва пайғамбарига нисбатан нотўғри, ёмон гумонлар қилишиди. “Аллоҳ Ўз пайғамбарининг ишини камолига етказмайди, Ислом энди ҳеч қачон қад ростлай олмайди” деган гумонларга боришиди. Шунинг учун уларни жангга чиққанларидан пушаймон эканларини кўрасиз. Бир-бирларига ҳасрат билан: “Урушга чиқиши хусусида биз учун ихтиёр бўлдими ўзи?!” дейишади. Эй пайғамбар, сиз уларга: “Ишнинг ҳаммаси Аллоҳникидир. Сизларнинг жангга чиқишиларин-гизни ҳам ва сизларга юз берган бу ҳодисаларни ҳам тақдир қилган Унинг Ўзидир”,

деб айтинг. Улар сизга изҳор қилмаётган урушга чиқиш борасидаги ғам-ҳасратларини ичларида яширадилар. [Айтишадики](#): “Агар бизда озгина ихтиёр бўлганида, бу ерларда ўлиб кетмаган бўлар эдик”. [Сиз уларга айтинг](#): “Ажаллар Аллоҳнинг қўлидадир, агар сизлар уйларингизда бўлсангиз ва Аллоҳ сизларнинг ўлишингизни тақдир қилган бўлса, қисматларига ўлим битилган кимсалар ўлдириладиган жойларига чиқиб келишган бўларди”. Бу нарсани Аллоҳ таоло дилларин-гизда бўлган шак-шубҳа ва нифоқни текшириш учун, нопокни покдан ажратиб қўйиш учун ва мўмин киши гап сўзида ҳам,

ишлирида ҳам мунофикадан яққол фарқланиб, одамлар кўзида ажралиб туриши учун қилди. Аллоҳ халқларнинг дилларидағи нарсани яхши билувчи Зотдир. Унга уларнинг ишлиридан ҳеч бир нарса маҳфий қолмайди.

إِنَّ الَّذِينَ تَوَلَّوْا مِنْكُمْ يَوْمَ النَّقَ�ٰتِ الْجَمِيعَانِ إِنَّمَا اسْتَرَأَ لَهُمُ الشَّيْطَانُ بِعَضُّ مَا كَسَبُوا وَلَقَدْ عَفَ اللَّهُ عَنْهُمْ إِنَّ اللَّهَ غَفُورٌ حَلِيمٌ (١٥٥)

‘ ۱۵۵ . Эй Мұхаммад асхоби, мүмин ва мушриклар Уҳуд жангида ўзаро тўқнашган кунда ичларингиздан урушдан қочган кимсаларни баъзи гуноҳлари сабабли факат шайтоннинг ўзи мана шу маъсиятга туширди. Дарҳақиқат, Аллоҳ уларнинг гуноҳларини кечирди ва уларга азоб туширмади. Албатта,

Аллоҳ таоло тавба қилган гуноҳкорларни кечирувчи ва Ўзига осий бўлган кимсаларга уқубатни шошилтирмайдиган ҳалим Зотдир.

يَا أَيُّهَا الَّذِينَ آمَنُوا لَا تَكُونُوا كَالَّذِينَ كَفَرُوا وَقَالُوا إِلَّا هُوَ أَنَّهُمْ إِذَا ضَرَبُوا فِي الْأَرْضِ أُولَئِكَ هُمُ الظَّالِمُونَ
عَزَّلَ لَوْ كَانُوا عِذْنَانِ مَا مَأْتُوا وَمَا قُلْلَوْ لَيَجْعَلَ اللَّهُ ذَلِكَ حَسْرَةً فِي قُلُوبِهِمْ وَاللَّهُ يُحِبُّ وَيُمِدِّثُ وَاللَّهُ
بِمَا تَعْمَلُونَ بَصِيرٌ (۱۵۶)

‘۱۵۶. Эй Аллоҳу Расулига иймон келтирган ва Аллоҳ-нинг шариатига амал қилган кишилар, сизлар Роббилирига иймон келтирмайдиган кофир кимсаларга ўхшаманглар. У кофирлар ўзларининг куфр ахлидан бўлган биродарлари агар тирикчилик мақсадида Аллоҳнинг ерида сафар қилиб, ёки жангчилар билан бирга урушга кириб, шу сафар ёки урушда ўлишса ёки ўлдирилишса, улар ҳақида: “Агар

ўшалар сафарга ёки жангга чиқмасдан биз билан бирга ўтиришганда эди, ўлмаган ва ўлдирилмаган бўлишар эди”, деб айтишади. Бу сўз уларнинг қалбларига ўрнашадиган ғам-алам ва ҳасратни зиёда қиласди.

Мўминлар эса, бу нарсалар факат Аллоҳнинг қадари билан бўлишини жуда яхши биладилар. Аллоҳ уларнинг қалбларини ҳаққа йўллаб қўяди ва мусибатларини енгиллатиб қўяди. Аллоҳ яшашини тақдир қилган кишини гарчи мусоғир ёки урушда бўлса ҳам яшаттираверади. Ажали етган кишини эса уйида ҳам вафот эттираверади. Аллоҳ сизлар қилаётган барча ишларни кўриб

турувчи ва уларга муносиб жазо-ю
мукофотлар берувчи Зотдир.

وَأَلِئِنْ قُتِلْتُمْ فِي سَبِيلِ اللَّهِ أَوْ مُتُمْ لِمَغْفِرَةً مِنْ اللَّهِ وَرَحْمَةً خَيْرٌ مَا يَجْمَعُونَ (١٥٧)

157. Эй мўминлар! Аллоҳ йўлида жиҳод қилаётган ҳолингизда ўлдирилсангиз ёки жанг асносида вафот этсангиз, албатта Аллоҳ гуноҳларингизни мағфират қилгай ва Ўз раҳмати остига олиб, сизларни ноз-неъмат жаннат-ларига киритгай. Мана шу мукофот дунёдан ва дунё аҳли жамғарган барча нарсадан яхшидир.

وَأَلِئِنْ مُتُمْ أَوْ قُتِلْتُمْ لِإِلَيْهِ تُحْشَرُونَ (١٥٨)

158. Агар бу дунё ҳаётида ажалларингиз етиб, тўшакларингизда вафот этсангиз ёки

жанг майдонида ўлдирилсангиз,
албатта ёлғиз Аллоҳнинг
ҳузуригагина йиғиласиз ва У
амалларингизга муносиб равища
жазо ва мукофотларингизни беради.

فِيمَا رَحْمَةً مِنَ اللَّهِ لَنْتَ أَهُمْ وَلَوْ كُنْتَ فَظًا غَلِيلًا لِغَلْبِ الْقُلُوبِ لَا نَفْسٌ مِنْ حَوْلِكَ فَاغْفِرْ عَنْهُمْ وَاسْتَغْفِرْ
لَهُمْ وَشَاءُرْهُمْ فِي الْأَمْرِ إِذَا عَرَمْتَ فَتَوَكَّلْ عَلَى اللَّهِ إِنَّ اللَّهَ يُحِبُّ الْمُتَوَكِّلِينَ (١٥٩)

159. Эй пайғамбар, Аллоҳнинг сизга
ва асҳобингизга бўлган раҳмати
туфайли сиз асҳобингизга юмшоқ
кўнгил ва меҳрибон бўлдингиз. Агар
ёмон ҳулқли, тошбағир
бўлганингизда, асҳобингиз
атрофингиздан кетиб қолишган
бўларди. Бас, энди сиз Уҳуд
жангида улардан содир бўлган хато
туфайли уларни айбдор қилманг ва
Аллоҳдан уларнинг гуноҳларини

кечиришини сўранг. Маслаҳатлашиш керак бўлган ишларда улар билан маслаҳатлашинг.

Маслаҳатлашувдан сўнг қай бир ишга азму қарор қилсангиз, Аллоҳнинг ёлғиз ўзига суюнган ҳолда шу ишга киришинг. Албатта, Аллоҳ Ўзига суюнувчи — таваккул қилувчи кишиларни яхши кўради.

إِنْ يَئْصُرُكُمُ اللَّهُ فَلَا غَالِبَ لَكُمْ وَإِنْ يَخْذُلُكُمْ فَمَنْ ذَا الَّذِي يَئْصُرُكُمْ مِنْ بَعْدِهِ وَعَلَى اللَّهِ فَلَيْتَوْكُنْ
الْمُؤْمِنُونَ (١٦٠)

۱۶۰. Агар Аллоҳ Ўз нусрати ва ёрдами билан мадад берса, ҳеч ким сизлардан ғолиб бўлишга қодир бўлмайди. Агар Аллоҳ сизларни ёрдамсиз қолдирса, Аллоҳнинг ёрдамсиз қолдиришидан сўнг ким ҳам сизларга ёрдам беришга қодир

**бўлар эди?! Мўминлар Аллоҳнинг
Ўзигагина таваккул қилсинлар!**